

懷安縣志

光緒二年丙子續修

卷首志目 卷二建置志

圖序

城池

凡例

墩鋪橋梁附

卷一方輿志

公署

星野

廩倉營房

沿革

坊巷 郵政附

形勢附

學校

疆域

書院義學附

山川

祠祀

古蹟附



光緒二年丙子續修

懷安縣志

續修懷安縣志序

事莫勞於創莫逸於因然已因
亦有勞者乎曰有平地而構連
雲庭何嚮戶何嚮既測景而契
龜矣梓若干陶若干又購材
而運甍矣萬一逡巡而榱桷埴埴

尋將朽泐繫豈非創泊乎鳩工
葺事斷遷於蠹蝕之後掇拾於
薜暴之餘而揀度而朽鏝而藻
聖補苴拮据以觀其成不知者以
為此因也非創也不為勞也其知
者以為即因也即創也是以勞也

吾得而論懷安縣志邑苦兵火
矣秦漢以來割賂紛爭日尋矛
鍛中朝士夫誰適處此及至朱明
之世重臣防禦講武即戎曹爾首
介爾躬而欲鉛槧爾覩記豈可
得哉

皇朝光定區夏窮荒義幕悉主悉
臣駸駸橐駝銜尾入貢生斯土者
如吻接哺如卵受翼以長以育雨
露最先顧採輯之事尚未肇也
康熙三十二年改衛為縣縣而後
有志始之者三韓殷氏也繼之者

晉陽武氏也平地而構連雲厥功
偉哉惜乎未付梓人委之以去
此吾所謂榱桷垣墉懼其朽泐也
乾隆辛酉前宰濟南楊氏毅然
已任爬羅剔抉博訪周諮致信存
疑筆削維謹蓋百餘年之承平

故實一旦補苴掇拾以觀其成昔
人謂孤子功不在禹下孰曰後
逸於前哉此又吾所謂因必有勞
也然則逸者誰乎如吾今日之役
是懷自有志後又百數十年士民
食德服疇彌蒸彌成志官守以觀

政也志戶口以考風也志書院以育
賢也志賓興以勸士也志科舉
以彰才也志節義以勵俗也其
他銖積寸累有獲必書勿祭獮以
掩人長勿攘翰以為己有與父母
質與濫毋嚴以類相從行所無事

逸可知己先是楚北廉夫李君
宰是邑延主講程君子鳳為續
志乘事甫舉而李君以奉諱行
山右劉君友梅亦息遽未就余攝
官承乏悉意旁蒐每撰一條即
與程君商權例循曩詰不敢以輕

心掉上恐微瑕汚全璧也信言俟後
可不慎歟書成程君曰曷序諸余
曰序敘其事也今日之役無所事
事何敘上程君曰然逸則逸矣
獨不思未志以前其多事為何
如乎其因多事而飄零兵燹無

籍可案者又何如乎迄今翔洽
太和同風三代於以踵編紀盛用
告來茲安見後上視言不尤逸上又逸
哉余躓焉因弁言付手民以箴其事
光緒二年歲次丙子仲秋懷安縣

知縣長白蔭祿士奇氏撰



序

古無志之名自有虞氏肇十有二州夏禹制爲九州
凡山川土田物產貢賦悉著於書而紀載昉焉周禮
大司徒以天下土地之圖周知地域廣輪之數辨其
山林川澤邱陵墳衍原隰之所宜物以及土訓掌道
地圖誦訓掌道方志視昔尤詳郡縣而後如郡國地
志寰宇志記則又殫見洽聞各臻其盛而最善莫如
唐宰相杜佑爲淮南節度使記室時創爲通典其書
由食貨以迄邊防起例分明釐然具備後來取則蔑
以加茲洪惟我

懷安縣志

卷首 序

聖朝震疊懷柔罔不率俾方策所載內而一統志三百五
十餘卷經緯六合炳若球圖外而省志府州縣志同
軌同倫若衆星拱辰萬流匯海幅幘延袤亘古無儔
懷安壤接燕雲距京十餘舍風俗政教其見於曩志
者纖悉畢周顧自乾隆六年至今又百三十餘載涵
濡醲化積而益增比年續修

畿輔通志檄下郡縣各舉所知亦旣逐日隨時進之公
牘矣竊惟耕當問僕織當問婢守土者苟得所攷鏡
斯觀民飾政因時制宜無有鑿柄又况平康正直自
在人心愚夫婦一念之眞四維以立發微闡隱可勿

亟歎用是延訪既殷兼資衆力聘主講程君子鳳筆
削而分綴之意謂尅期可成事半功倍耳詎料橋庭
棄養扶服將歸當此治任恩恩何心潤色然而在三
之節風昔曾聞今茲之舉固臣子服勤義也亦卽膺
民社者所同志也一簣之覆忍弁髦乎瀕行書其緣
起未暇擇言聊以爲舊政之告云爾是爲序

光緒丙子年又五月下旬前懷安縣知縣楚北松滋

李葆貞廉夫氏留題



序

蒙奚能哉竊歎天下事之留以有待者及其成功前後如出一轍也毋亦有關運會哉夫邑之有志何地不然志之增修亦何時不然於懷安乎何異然而不異而異者則固有說懷安縣志殷氏創於前武氏踵於後二賢侯者可謂務其大者遠者矣然皆以未梓行是猶闕乾隆辛酉歷下楊侯舉而行之傳舊釋新燦然大備勩其事者時則有若錢塘錢孝廉集軒謹嚴該洽取則春秋望而知爲良史其初續二藁則得之周生昇家昇亦有功志乘哉錢孝廉者由燕邸應

懷安縣志

卷首 序

一

聘來也其自序云長書院士不果行迺從事於志殫思畢慮竭數月之勞校讐善本後有作者弗可及已蒙奚能哉憶自壬申歲出都游萬全縣幕懷邑侯李君廉夫介全宰聘主院席癸酉乙亥肄業生連捷秋闈論者謂微侯之嘉惠不及此顧余漢南下士五上公車且謫陋空疎而不堪中選也何足以擁皋比談帖括哉帖括可矣又何足以塵汗簡壽灾梨哉今年春李君謀增舊志集邑人士公聘余贊載筆余愿焉不獲辭乃握管以赴未幾李君以聞訃去官山右劉君友梅代理月餘亦未竣夏五月今長白蔭邑侯莅

任侯淹雅名宿也下車披圖攷俗計纂志之日距今百數十年其間政治之蹟民物之蕃學校之興選舉之目與日俱增最重如節孝獨行失今不傳久將滲漏因趣余曰子速諸匡其不逮是在子矣余維拾遺補闕義取析疑守轍循途章宜由舊非惟不敢妄作而實不必作也爰取舊志酌損酌益各目弁以數言匪飾虛車通變以宜時耳至於網羅檢校同學孝廉宗子景騫實躬其煩其或一二未安則以邊邑絕少藏書今所取證者前人已先我而行之與其滋疑毋若存實然益歎前賢之於是役爲不苟矣余不敏賴

懷安縣志

卷首序

二

今邑侯隨時商訂相與有成是李君劉君所未竟者猶之殷武也李君劉君未竟而今邑侯竟之猶之昔邑侯楊也楊侯之德載在曩乘民歌詠之今邑侯數月之間輿誦交作其經濟又烏可量哉宗子景騫較昔周生其勞十倍獨余從容紀述無所見長視昔錢君相去無算第橐筆來茲本末始終暗與錢合毋亦有關運會哉則信乎天下事之留以有待者及其成功前後如出一轍也蒙奚能哉

光緒丙子仲秋下浣楚北孝感程燮奎拜序



原序

懷安漢夷輿地元魏時爲懷荒巨鎮歷耶律金元稱
北方雄要明時設重臣建節宣雲地居兩鎮之交偉
績豐功被斯土者尤盛顧壤居邊塞俗尙武功士之
懷鉛握槧者罕所託跡而服官蒞政者又以疆場事
殷無暇爲編摩訂削之業致令舊聞不彰往事湮忽
可惜也間嘗行部經循其地觸目新眺雲頭白腰諸
峰蒼翠如列几案洋河一水混混而來竊歎山川靈
祕會有時而發而猥以才弱未克網羅放失勒爲一
書以備輶軒職志用是耿耿非一日矣歷下楊君宰

懷安縣志

卷首序

一

是邑之三年政修人和始有事於搜葺乃於陳編蠹
蝕之餘得舊人殘冊黯漶踏駁剗斷橫決君延名宿
相與商略異同伴繫而寸度之更益以其所未備事
取其覈實者辭汰其複重者凡三閱月書成計若干
卷於是而一方之掌故犁然備焉君於茲役可謂無
負職業矣古之良吏其爲治也必先知其習俗之所
尙風土之所寓以及昔人得失之所存而後飾之於
政無偏倚違反之弊邑乘者亦學古入官之距墨也
逸詩云周道挺挺我心翼翼講事不令集人來定夫
講事也而集人以定君子臆之矧其援古以證今且

信今以貽後其爲功也不益愈乎此邑志之所以不
可不作也雖然有爲君慶者昔酈元水經一注析於
北而淆於南程大昌作雍錄往往多傳聞之誤識者
不無遺議君幸值

太平盛世牽絲邊邑簿書之暇從容諮訪其論撰皆履轍
所經無耳食之誤使後之讀書者快然無憾則君亦
可以無憾也而余於披對之下亦有藉以慰夙昔未
酬之願其樂觀厥成又何如也是爲序

乾隆六年歲次辛酉冬十月中澣分守口北道按察
使司僉事錢塘金志章

原序

古者列國皆有史官掌記時事郡縣而後史惟職之朝廷四方時事輶軒採之稍有遺逸則亦無所參稽守土者間慮及此迺仿周官土訓道訓遺意各以其所覩記志於其書以守一方之籍以備輶軒之採蓋志亦綦重矣哉懷安故幽朔地上世邱索泯夢前明始設衛所隸京師

國朝康熙三十二年迺改置爲縣然百十年來政令掌之官司賦粟籍之輿編土俗見之風謠文章禮樂傳之遺族故家凡在直省爲統志爲省志爲郡志邑志

懷安縣志

卷首 序

一

莫不朝有成書野有定本獨懷邑之志闕焉未詳己未之歲余自龍門量移茲邑慨念是爲邑所當務會政之未間嘗與邑士夫咨嗟往復久之乃獲周生昇所藏前宰殷氏志藁於故牘中又獲晉陽武氏續藁後先展閱亦約畧有可表見然皆惜以未訂梓去其所遺藁日久漸且舛訛也越歲辛酉郡太守王公檄下州縣纂修志乘適余數以是請旣奉檄欣然爲其所得爲遂延聘錢塘孝廉集軒錢君開局縣署西偏發篋陳書網羅放失舊聞始就殷武二藁講去其非而求其是又本之列代史參諸鎮志參諸通志參諸

鄰郡邑志綜覈紛紜務在徵疑考信斷以義例約爲二十四卷凡四閱晦朔而書以成於戲天下事志之非難志之而無可志之難也夫人於著作之林書不能以盡信輒自摛撫動易支離膠轕又况並此不能盡信之書渺不可得僅於零文斷簡竊取一二漫漶徵之編年別錄異地雜傳斤斤爲之補綴爲之雕鏤如是而欲訂其繆盭擇之精而語之詳豈不難哉豈不難哉然而焚膏矻矻不敢憚勞舉夫政令之掌賦粟之籍風謠之紀文章禮樂之傳所爲百十年來闕焉未詳者亦幾幾乎可以守一方之籍備國史之採

懷安縣志

卷首序

二

矣而獨有所重念焉者懷雖邊境近京師乃五百里教化易究昔文翁刺蜀澤以詩書偃宰武城治以絃歌使密邇

畿輔顧且仍安樸僿詩書之澤不長絃歌之治未洽抑或囂凌愚悔以煩教訓也可乎哉方今

聖天子蒸蒸禮樂疊沛文思遍於海隅日出罔不率俾屬在親炙之地爲令者方當與斯士斯民共游於涵育薰陶之內鼓舞文明之化以庶幾仰副中天之治於萬一則於斯志之作蓋不禁三致意焉若夫筆墨鉛槧之煩則固自知身爲其難聊以爲後此者之嚆矢

云爾是爲序

乾隆六年歲次辛酉夏六月下浣之吉懷安縣知縣

濟南楊大崑玉峰氏題

懷安縣志

卷首序

三

原序

辛酉之歲懷邑侯楊君介上谷太守王先生招余燕
邸先是王先生與余叔學使者香樹先生約將延余
長書院士不果行至是乃以其郡邑志相屬而楊侯
亟以聘來不獲辭迺橐筆蒞事余惟志史類也夫人
作一代之史必具有一代之識然後是非明而褒貶
定作一邑之志必萃有一邑之觀然後得以徵往事
而思來者古之學者載籍極博猶考信於六藝蓋不
敢苟於著作若是也以余弁鄙既齷齷無文而懷介
邊邑自明以來因循且數百載掌故迄無可考康熙

懷安縣志

卷首序

一

四十六年前邑宰殷氏稍稍撰叙又未經訂是其所
存藁日漸零軼其傳聞劉呂之誤益以匪鮮其後此
著述終已無聞則所謂一邑之觀於何萃矣余自二
月杪來志局早夜與楊侯考訂惟恐忘己事之已拙
而又不敢苟且云爾也迺悉意網羅遺書於諸聞見
必本諸府志以求其合必參諸省志以觀其通必要
諸歷代史傳以徵信而考疑每一藁出與楊侯參互
往復然後付鈔胥凡四閱月三易藁而志成昔宋熙
甯中有常州守召對至京師問以錫山遠近其人無
以應神宗謂其爲守臣而不知境內山川則其爲政